

Inatsisartut suleriaasianni § 33 naapertorlugu tulliuuttoq aalajangiivigisassatut siunnersuut Naalakkersuisut matumuuna saqqummiuppaat.

**Uunga siunnersuut: Ukiumoortumik naatsorsuutit pillugit inatsimmik allannguinerit pillugit inatsisini assigiinngitsuni aalajangersakkat ilaat Kunngip peqqussutaatigut Kalaallit Nunaanni atuutilersinneqarnissaannik Namminersorlutik Oqartussat akuersissuteqarnissaat pillugu Inatsisartut aalajangiiffigisassa**

(Inuussutissarsiornermut Niuernermullu Naalakkersuisoq)

**Aalajangiiffigisassatut siunnersuutip imai**

Inatsisartut ukiakkut 2021-imi ataatsimiinneranni, Kalaallit Nunaanni inuussutissarsiornermut sammisunik maleruagassiuinernik nutarterinerit annertuut, akuersissutigineqarput. Ukiumoortumik naatsorsuutit pillugit inatsimmik allannguinerit pillugit inatsisini assigiinngitsuni aalajangersakkat ilaat Kalaallit Nunaannut atuutilersitsinissaq pillugu peqqussummut siunnersuut, Kalaallit Nunaanni inuussutissarsiornermut sammisumik maleruagassiuinernik nutartereqqinnermi ilaavoq.

Inatsisartut ukiakkut 2021-imi ataatsimiinneranni akuerineqartut, ingerlatseqatigiiffiit pillugit inatsimmi allannguutit tunuliaqutigalugit ukiumoortumik naatsorsuutit pillugit inatsit taamatuttaaq assigiinngitsutigut nutarterneqarnissaa pisariaqarpoq. Allannguutit EU-mi inatsisini maleruagassat allannguutaannik, aammalu pissusissamisoornerusumik ikkussuunneqartunik, pingaarnertut peqquteqarput.

Assersuutigalugu ingerlatseqatigiiffinnut inatsimmi aningaasaliissuteqartut aningaasanik attartortut ilaannik inatsisitigut ajornarunnaarsitsinerup kingunerisaanik, naatsorsuutini aningaasaliissuteqartartut aningaasat attartugaasa ilaasa inissinneqartarnissat pillugu ukiumoortumik naatsorsuutit pilugit inatsimmik kinguneqartitsinernik allannguisoqarpoq. Allannguummi siunertaavoq aningaasaatit tigorianaasut ingerlatseqatigiiffiup iluanaarutitut agguaassinnaasai aningaasaliissuteqartartunut allanullu attartortinneqarsimasut nalinginik annikillineqartut naatsorsuutini ersarissumik takuneqarsinnaassasoq qulakkiissallugu.

Tamatumunngalu atatillugu ilaatigut ingerlatseqatigiiffiup nammineq ilumini nakkutilliineranik allannguisoqarpoq, siusinnerusukkut naatsorsuutininik nakkutilliineq taamaallaat Finanstilsyn-imit isumagineqartaraluarpat. Allannguutissatut siunnersuutigineqartukkut aningaasalersuinernik

ingerlatsisunut, Finanstilsyn-i naatsorsuutitut nakkutilliisuulissaaq, Erhvervsstyrelsen-ilu aningaasalersuinermit tunngasuunngitsunik ingerlatsisut naatsorsuutaannik nakkutilliisuussalluni.

Suliffeqarfiit inatsisinik malinnittut artukkorsorneqarnissaat pinngitsoortikkumallugu, Erhvervsstyrelsen-ip siunissami ingerlatseqatigiiffinnut- aamma naatsorsuuserinernullu atatillugu nakkutilliinera tunngaviusumik kisitsisinik paasissutissanik – data-nik – aamma nalorninaatilinnut tunngasumik nakkutilliinermik aallaaveqassaaq. Tassani suliffeqarfinnik eqimattanik, nalorninaataasinnaasunut uuttuutit nalinginnaasut atorlugit nakkutilliinissamut toqqaaneq pineqarsinnaapput. Aammattaaq, imaassinnaavoq pissutsini suliffeqarfiup pineqartup unioqqutitsisimasinnaaneramik ilimaginnittoqarneragut nalorninaataasut piviusut pineqartut.

#### *Inatsisit atuuttut*

Kalaallit Nunaanni atuutilersinneqartoq ukiumoortumik naatsorsuutit pillugit inatsit, kingullermik peqqussutikkut 487 18/5 2018 allanngortinneqarpoq, tamannalu peqqussutitut nalunaarutikkut 806, 19/6 2018-imeersukkut, ukiumoortumik naatsorsuutit pillugit inatsimmik nutarterisumik, inatsit nr. 1547, 13. december 2016-imeersukkut Kalaallit Nunaannut atuutilersinneqartumik ataatsimoortutut allanneqarluni. Ukiumoortumik naatsorsuutit pillugit inatsimmik allannguinerit pillugit peqqussummut missingiut Kalaallit Nunaannut inatsisitigut allannguutitik kingullerpaanik atuutilersitsissaaq.

#### *Siunnersuummi immikkoortut pingaarnerit*

Inatsisissatut siunnersuummik siunnerfiuvoq – Kalaallit Nunaannut pissutsinut naleqqussagaallutik – toqqaannartumik Danmark-imi naapertuuttumik atuuttut assigalugit, suliassaqarfimmi tamatumani EU-mi maleruagassat malillugit Kalaallit Nunaannut maleruagassanik atuuttoqarnissaa qulakkiissallugu. Allannguutit malittarisassat eqqarsaatigalugit allannguutitik pingaarnertut peqquteqarput, ukiumoortumillu naatsorsuutit pillugit inatsimmik 2020-ip naaneranut suliaqartoqarluni. Siunnersuummi tassani allannguutit imminni tamakkiisunik eqqoqqissaartumik aamma pissusissamisoortunik naatsorsuuserisarnermut malittarisassat (direktiv-it) aamma allannguutit malittarisassat atuutilersinnissaannik qulakkeerissapput. Tamatuma kinguneraa piumasaaqatit nutaanik ataasiakkaanik atuutilersitsisoqarnera, soorluttaaq piumasaaqatit ataasiakkaanik atorunnaarsitsisoqartoq. Nalinginnaasumik siunertaavoq inuussutissarsiortunut aaqqissuussinerit nammagassartaqarpallaarunnaarnissaat, soorluttaaq nammineq ingerlatsiviup iluani nakkutilliineq eqaannerulersinneqassasoq.

Peqqussutit imarisai pillugit paasissutissanik itisiliinermut eqikkakkamut ilanngunneqartumut Innersuussisoqarpoq.

### **Aningasaqarnikkut aamma allaffissornikkut pisortanut kingunerisassai**

Peqqussutissamut missingersuusiq aningaasaqarnikkut imaluunniit allaffissornikkut pisortanut kinguneqassanngilaq. Allannguutit ilaat, qallunaat naalagaaffiannit isumagineqartunik, naatsorsuutunik nakkutilliinermut tunngasuupput.

### **Aningasaqarnikkut aamma allaffissornikkut namminersortutut inuussutissarsiortunut kingunerisassai**

Inatsisissamut siunnersuut soorluttaaq allannguutunik allaffissornikkut oqilisaassisussanik, aammattaaq allannguutunik allaffissornikkut suliffeqarfinnut nammagassiisussanik imaqarpoq.

### **Innuttaasunut aningaasaqarnikkut aamma allaffissornikkut kingunerisassai**

Peqqussutissamut siunnersuut innuttaasunut aningaasaqarnikkut imaluunniit allaffissornikkut kinguneqartussaannngilaq.

### **Tusarniaaneq**

Ukiumoortumik naatsorsuutit pillugit inatsimmik allannguutit pillugit inatsisini assigiinngitsuni aalajangersakkat ilaannik Kalaallit Nunaannut atuutilersitsinissaq pillugu peqqussummut siunnersuut, piffissami 10. december 2021-imiit - 10. januar 2022-p tungaanut tusarniaasarnermut nittartakkami tamanut tusarniaassutaasimavoq, aammalu tusarniarneqartartunut attuumassuteqartunut 22-inut nassiussuunneqarsimalluni.

Missingersuusiamut oqaaseqaateqartoqanngilaq.

### **Ilanngussat:**

- 1) Uunga siunnersuut: Ukiumoortumik naatsorsuutit pillugit inatsimmik allannguutit pillugit inatsisini assigiinngitsuni aalajangersakkat ilaannik Kalaallit Nunaannut atuutilersitsinissaq pillugu peqqussut.
- 2) Ukiumoortumik naatsorsuutit pillugit inatsimmik allannguutit pillugit inatsisini assigiinngitsuni aalajangersakkat ilaannik Kalaallit Nunaannut atuutilersitsinissaq pillugu peqqussummik eqikkagaq.